

# VEDTEKTER

## FOR

# MØRE OG ROMSDAL 110-SENTRAL ÅLESUND KF

Vedteke av Ålesund kommunestyre i møte 12.12.2019, sak 047/2019 og revidert i møte  
16.06.2022, sak 095/22

[Vedteke på ny i Ålesund kommunestyre 19.10.23 i sak 148/23](#)

## § 1 OM FØRETAKET

---

Føretaket sitt namn er Møre og Romsdal 110-sentral Ålesund KF.

Føretaket sitt hovudkontor er i Ålesund.

Føretaket er eit kommunalt føretak etter lov om kommuner og fylkeskommuner (kommuneloven), LOV-2018-06-22-83, kapittel 9.

Føretaket er ikkje eit eige rettssubjekt, men er direkte underlagt Ålesund kommunestyre.

Føretaket skal registrerast i Føretaksregisteret.

## § 2 FØREMÅL

---

Føretakets føremål er å ivareta kommunen sine oppgåver og plikter vedr. Nødmeldetenesta 110 etter Lov om vern mot brann, eksplosjon og ulykker med farlig stoff og om brannvesenets redningsoppgåver av 14.06.2002 og etter forskriftene til Forureiningslova for alle kommunar i Møre og Romsdal.

Føretaket skal støtte opp under kommunen sine overordna strategiar og planar.

Føretaket skal bidra til ein sunn og stabil økonomi, og der igjennom ein sunn kommuneøkonomi.

Føretaket skal ha ein klar klima-, energi- og miljøprofil, tilpassa den strategien som til ei kvar tid er gjeldande for kommunen innan dette området.

## § 3 ANSVARSOMRÅDE/OPPGÅVER

---

Føretaket skal ivareta kommunane sitt ansvar for oppgåver innan kjerneområdet og har følgande oppgåver:

- 110-sentralen skal yte lovpålagde 110-nødmeldingstenester til kommunane beskrive i eigen tenestebeskriving og i samsvar med krava frå overordna fagmyndigkeit DSB (Direktoratet for samfunnsikkerhet og beredskap).
- Føretaket skal legge til rette for aktivitetar som gir inntekter i den form og omfang som styret fastset. Slike aktivitetar må ikkje vere i strid med oppgåver sentralen er pålagt å utføre gjennom lov. I dette ligg at føretaket

kan tilby offentlege og private verksemder ikkje-lovpålagde overvakings- og alarmtenester slik det står i tenestebeskrivinga.

#### § 4 EIGAR SITT ANSVAR

---

Ålesund kommune som eigarkommune, heftar for føretaket sine samla forpliktingar.

Eigar vedtek sjølv dei overordna rammene for føretaket. Dette inneber at det er eigar som gjennom eigarskapsmelding, vedtekter, delegasjonsreglement, kommunen sin økonomiplan, årsbudsjett og andre regelverk, instruksar eller vedtak, bestemmer føretaket sitt ansvar og mynde.

Øvste mynde for føretaket er Ålesund kommunestyre.

Ålesund kommunestyre fastsett godtgjersle til styret og styreleiar.

#### § 5 STYRE

---

Ålesund kommunestyre vel leiar, nestleiar og øvrige medlemmer til styret etter forslag frå valstyre/valkomitè og kommunestyre. Dette gjeld ikkje styremedlemmer som dei tilsette skal velje.

Styret er samansett av 5 personar med personleg vararepresentant.

Styret sine medlemmar veljast med 4 års tjenestetid, i samsvar med kommunal valperiode.

Styret skal settast saman etter følgjande reglar:

- 1 medlem med vararepresentant veljast blant Ålesund kommunestrets medlemmar eller andre av kommunens innbyggjarar som kommunestyret vil foreslå.
- 1 medlem med vararepresentant veljast etter forslag frå Sunnmøre regionsråd.
- 1 medlem med vararepresentant veljast etter forslag frå Romsdal Interkommunalt politisk råd.
- 1 medlem med vararepresentant veljast etter forslag frå Nordmøre Interkommunalt politisk råd.
- 1 medlem med vararepresentant veljast av og blant dei tilsette i føretaket.

Med unntak av det medlem som er valt av dei tilsette, kan Ålesund kommunestyre når som helst be om nyval av dei medlemmar som er valt inn av Ålesund kommunestyre.

## § 6 STYREMØTER

---

For styremøter gjeld reglane i kommunelova §9-9 og §11-1.

Styret set opp plan for styremøter for kalenderåret.

Styrets leiar sørger for at styret held møter så ofte som det trengs.  
Medlemmar av styret og daglig leiar kan krevje at styret innkallast.

Innkalling med sakliste skal sendast ut skriftleg, og 7 dagar før møtet.

Styremøtet leiast av leiar, eller av nestleiar når leiar ikkje er til stades.

Styret er vedtaksdyktig når minst halvparten av medlemmane er til stades.

Som styret sitt vedtak gjeld det som fleirtalet av dei møtande har stemt for.  
Dei som stemmer for eit forslag, må likevel utgjere meir enn 1/3 av alle  
styremedlemmar for at forslaget skal reknast som vedteke. Viss talet på  
stemmer for og imot eit forslag er likt, er møteleiarens stemme  
avgjerande.

Styret kan fatte vedtak i ei sak som ikkje er oppført på saklista, dersom  
styret er fulltaleg, og dersom styret i fellesskap vedtek å behandle saka.

Tilsette-representantar har ikkje rett til å delta i behandlinga av saker som  
gjeld arbeidsgjevars førebuing til forhandlingar med arbeidstakrarar,  
arbeidsusemjer, rettstvistar med arbeidstakarorganisasjonar eller  
oppseing av tariffavtaler. Dersom føretaket har mynde til å treffe  
enkeltvedtak eller fastsette forskrifter, jf. forvaltningsloven § 2, skal  
tilsette-representantar i styret ikkje delta i behandlinga av disse sakene.

Møta i styret skal vere opne med unntak av dei tilfelle som følgjer av  
kommuneloven § 11-5.

Styret skal søke å halde si handsaming av- og korrespondanse i saker  
internt i styret til saka blir offentleg fremja eller behandla i styremøte.  
Dette med unntak om styret blir samd om anna, eller der dette kjem i  
konflikt med krav om innsyn etter offentleglova.

## § 7 STYRET SITT ANSVAR, OPPGÅVER OG MYNDE

---

### 7-1 Oppgåver og ansvar

Styret rapporterer til Ålesund kommunestyre.

Styret skal syte for at aktiviteten skjer i samsvar med lover og forskrifter, føretaket sitt føremål og vedtekter, kommunens økonomiplan og årsbudsjett og andre vedtak, strategiar eller retningslinjer fastsatt av Ålesund kommunestyre.

Styret har ansvar for at kommunen sin arbeidsgjevarpolitikk vert gjennomført i føretaket. Dei avtalar og ordningar som gjeld i Ålesund kommune, gjeld og i føretaket, her under pensjons- og tariffavtalar.

Styret har ansvar for organisatorisk tilrettelegging av føretaket.

Styret skal sjå til at rekneskapet reviderast i samsvar med kommunen sine rekneskapsforskrifter.

Styret skal fremje årsmelding og årsrekneskap for kommunestyret.

### 7-2 Mynde

Føretaket vert leia av styret og ein dagleg leiar. Styret har mynde til å treffe avgjersler i alle saker som gjeld føretaket.

Styret har mynde til å tilsette dagleg leiar. Styret skal føre tilsyn med dagleg leiars leiing av føretaket, og har instruksjons- og omgjeringsmynde overfor denne.

Styret skal følgje opp at føretaket drivast i samsvar med lover og forskrifter, føretakets formål og vedtekter, kommunens økonomiplan og årsbudsjett og andre vedtak eller retningslinjer som er fastsatt av kommunestyret.

Styret har ikkje mynde til å føre lønnsforhandlingar. Denne fullmakta vert delegert til kommunedirektøren. Styret har likevel mynde til å forhandle lønn til dagleg leiar.

Kommunestyret skal elles i eigne vedtak/fullmakt angi nærmare rammer og beløpsgrenser for styrets mynde knytt til følgande ansvarsområde:

- Driftsbudsjett: Fordeling, detaljering og budsjettendring av økonomisk driftsramme.
- Investeringar: Disponering og fordeling av føretakets investeringar knytt til konkrete og generelle investeringar.

## § 8 DAGLEG LEIAR SITT ANSVAR, OPPGÅVER OG MYNDE

---

Brannsjefen i Ålesund er dagleg leiar av føretaket.

Dagleg leiar utøver sin funksjon i samsvar med reglane i kommunelova §§ 9-11 og 9-12.

### 8-1 Ansvar og oppgåver

Dagleg leiar har ansvar for den daglege leiinga av føretaket.

Dagleg leiar er direkte underlagt- og rapporterer til styret, og skal følge dei retningslinjene og pålegg som styret gir.

Dagleg leiar har rett til å vere til stades og til å uttale seg på styremøta.

Dagleg leiar skal to gonger i året rapportere til føretaket sitt styre om utviklinga i inntekter og utgifter, samanhilde med føretaket sitt årsbudsjett.

### 8-2 Mynde

Dagleg leiar har mynde i alle laupande saker som ikkje er av prinsipiell eller vesentleg karakter for føretaket sitt føremål og prioriteringar.

Den daglege leiinga omfattar ikkje saker som er av uvanleg art eller av stor verdi for føretaket. Slike saker kan dagleg leiar berre avgjere dersom styret i det enkelte tilfellet har gjeve dagleg leiar mynde til det, eller dersom det vil føre til vesentleg ulempe for føretaket eller for kommunen å vente på styret si avgjerd. Dagleg leiar skal så snart som mogleg informere styret om sine vedtak.

Dagleg leiar har det laupande personalansvaret, inkludert tilsetting, oppseiing, suspensjon, avskjed og andre tenestelege reaksjonar, dersom ikkje noko anna er bestemt i lov.

Styret skal elles i eigne vedtak/fullmakt angje nærmare rammer og beløpsgrenser for daglig leiar sitt mynde knytt til følgande ansvarsområde:

- Driftsbudsjett: Fordeling, detaljering og budsjettendring av økonomisk driftsramme.
- Investeringar: Disponering og fordeling av føretakets investeringar knytt til konkrete og generelle investeringar.

## § 9 DAGLEG LEIAR REPRESENTASJON OG SIGNATUR

---

Styret representerer føretaket utad og gjer avtalar på kommunen sine vegne innanfor føretaket sitt føremål.

Styrets leiar har representasjons- og signaturrett åleine.

Dagleg leiar har representasjons- og signaturrett åleine innanfor dagleg leiar sitt myndeområde.

## § 10 TILHØVETTIL KOMMUNEN SIN ADMINISTRATIVE LEIAR (KOMMUNEDIREKTØREN)

Styret og dagleg leiar skal høva seg til kommunedirektøren i samsvar med reglane i kommunelova §9-16.

Kommunedirektøren få høve til å gje sin uttale før styret treff vedtak i saker som også skal behandlast av Ålesund kommunestyre.

Kommunedirektøren kan bestemme at eit vedtak i føretaket ikkje skal setjast i verk før kommunestyret har behandla saka.

## § 11 RAPPORTERING

Føretaket skal følgje dei til ei kvar tid gjeldande rapporteringsrutinane for Ålesund kommune og reglar om rapportering og internkontroll i kommunelova.

Føretaket skal utarbeide nødvendig strategidokument for forvaltning, styring og drift av føretaket.

Føretaket skal utforme en verksemndplan som skal rulleras årleg og som skal være føretakets strategiske og praktiske styringsdokument.

Føretakets tenesteproduksjon skal utførast iht tenestebeskrivinga.

Justering og endring av tenestebeskrivinga skal føreleggas kommunestyret. Kommunestyret kan legge inn eigne tenestebestillingar og vedta føringar for føretaket.

Føretakets regnskap og årsberetning skal innehalde ein resultatvurdering i forhold til verksemndplan og tenestebeskrivinga og skal føreleggas kommunestyret til behandling.

**§ 12 ENDRING I VEDTEKTENE**

---

Endring av vedtekten kan vedtakast av Ålesund kommunestyre.

**§ 13 OPPLØSNING OG ENDRING AV FØRETAKET**

---

Ålesund kommunestyre kan vedta oppløysing av føretaket, eller velje å utvide- eller dele opp føretaket.

**§ 14 VEDTEKTENE TRER I KRAFT / OVERGANGSORDNINGAR**

Desse vedtekten trer i kraft ved føretaksetablering.